


კავკასიის ეკონომიკის ყოველთვიური
მიმოხილვა
იანვარი 2026





ეკონომიკური ზრდა




2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. წინა წლის იანვარ-ნოემბერში ეკონომიკა 4.7%-ით გაიზარდა.

✚ 2024 წელს საქართველოს ეკონომიკა 9.5%-ით გაიზარდა. გასული წლის იანვარ-ნოემბერში ეკონომიკა 7.5%-ით გაფართოვდა. ზრდაში მნიშვნელოვანი წვლილი ტრანსპორტის, მრეწველობის, უძრავ ქონების და საფინანსო საქმიანობები სექტორებმა შეიტანა. კლება დაფიქსირდა ენერგეტიკის და მშენებლობის დარგებში.

🇦🇷 2024 წელს სომხეთის ეკონომიკა 8%-ით გაიზარდა. გასული წლის იანვარ-ნოემბერში ეკონომიკა 8.3%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 3%-ით მოიმატა, სამშენებლო დარგმა კი - 20.1% -ით. მომსახურებაში გამოშვება კი 10.9%-ით გაფართოვდა.

🇦🇲 2024 წელს აზერბაიჯანის ეკონომიკა 4.1%-ით გაფართოვდა. გასული წლის იანვარ-ნოემბერში ეკონომიკა 1.6%-ით გაიზარდა. აზერბაიჯანის ეკონომიკის 29.9%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 3.2% შეადგინა. სოფლის მეურნეობა კი მხოლოდ 1.1%-ით გაფართოვდა.

ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის დეკემბერში სამომხმარებლო ფასების წლიურმა ზრდამ 4% შეადგინა. დეკემბრის ინფლაციაში მაღალი წვლილი სურსათის და უაღკოპოლო სასმელების ფასებმა შეიტანა, რომელიც 8.8% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 4.7%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇧🇪 წარსულში, რეგიონში ფასების დინამიკით სომხეთი გამოირჩეოდა. 2025 წლის დეკემბერში სამომხმარებლო ფასების წლიური ზრდა 3.3% იყო. ყველაზე მაღალი, 8.3%-იანი ზრდა განათლების სექტორში დაფიქსირდა, ხოლო ტანსაცმლისა და ფეხსაცმლის ფასები 0.3%-ით შემცირდა. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.5%-მდე შეამცირა.

🇦🇲 აზერბაიჯანში ინფლაცია შენეულა. 2025 წლის დეკემბერში სამომხმარებლო ფასების წლიურმა ზრდამ 5.2% შეადგინა. ნოემბერში ეს ნიშნული 5.5% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. დეკემბერში მიღებული გადაწყვეტილებით, პოლიტიკის განაკვეთი 6.75%-მდე შემცირდა.